

BIJELI ŠENGEN Potvrđene tvrdnje „Dnevnog avaza“

BiH bolja od Crne Gore i Srbije

Naša zemlja ispunila 90 posto uvjeta • Danas rasprava u Evropskom parlamentu

Bosna i Hercegovina ispunila je do septembra ove godine više uvjeta iz Mape puta za ukidanje viza nego što su to Srbija i Crna Gora učinile do maja, kada je Evropska komisija dala preporuku da tim dvjema zemljama budu ukinute vize od 1. januara naredne godine, uz zahtjev da do tada ispune preostale briselske uvjete.

Ovo se navodi u izvještaju Evropske inicijative za stabilnost (ESI), koja je detaljno analizirala napredak naše zemlje od maja do septembra.

Mišljenje eksperata

Time su potvrđeni i navodi našeg lista koji je u više navrata konkretnim primjerima dokazao da je BiH u oblasti sigurnosti granica, zaštite ličnih podataka, politike migracija, boravka i kretanja stranaca... trenutno ispred i Srbije i Crne Gore.

I šef Delegacije Evropske komisije u BiH Dimitris Kurkulas (Kourkoulas) jučer je za Srnu kazao da je BiH ispunila oko 90 posto zahtjeva koji vode ka bezviznom režimu.

- U odnosu na juli, očit je veliki napredak. Ne mogu prejudicirati mišljenje eksperata, ali koliko mi možemo procijeniti, taj posao zadovoljavajuće je obavljen - naveo je Kurkulas.

On je istakao da u BiH preostaje pitanje biometrijskih pasoša, koji kasne zbog problema u njemačkoj štampariji.

O vizama za našu regiju danas



Kurkulas: Očit napredak

će se raspravljati i u Evropskom parlamentu, gdje će nacrt izvještaja predstaviti poslanik Slovenije Tanja Fajon. Ona je već ranije izjavila da bi BiH, ako ispuni sve uvjete, mogla sredinom sljedeće godine doći na bijelu šengen listu.

Provjera u praksi

Fajon je zatražila dopunu prijedloga Evropske komisije iz jula, kako bi, pod određenim uvjetima, u dobivanju bezviznog režima bile uvrštene i BiH i Albanija. BiH će, prema najavama, tehničke stvari, poput početka izdavanja biometrijskog pasoša, ispuniti do 15. oktobra, što je, re-



Fajon: Dolazi u BiH

Ispunjen još jedan zadatak

U Ministarstvu sigurnosti BiH proradio je Informacijski sistem o migracijama - elektronska baza podataka o ulasku i izlasku stranaca iz naše zemlje, čime je ispunjen još jedan briselski uvjet. Time se BiH, ujedno, našla među prvima u regiji koji su uspostavili ovaj sistem, evidencije kretanja stranaca.

kla je Fajon, vrlo važan korak.

- Komisija će tek nakon mjesec ili više ocijeniti kako je to provedeno u praksi. U BiH ima mnogo i političkih poteškoća, što ima utjecaj i na atmosferu u Evropskom parlamentu. Mislim da će za BiH biti vrlo dobro da dobije bezvizni režim. To je moja i želja većine poslanika u Evropskom parlamentu - kazala je Fajon, koja će 15. oktobra doputovati u BiH da se na licu mjesta uvjeri kako ispunjavamo uvjete. S. ŠKULETIĆ

Maksimalna ocjena

ESI je analizirao tehničke aspekte svakog bloka uvjeta. BiH je dobila maksimalnu ocjenu iz bloka 1 - sigurnost dokumenata, bloka 2 - ilegalna migracija i readmisija i bloka 4 - vanjski odnosi i temeljna prava. Nešto lošija ocjena je za blok 3, koji se

tiče javnog reda i sigurnosti.

Ocjene su od jedan do tri, s tim što je jedinica najbolja ocjena, koju je dosegla za sada samo Makedonija, BiH trenutno ima ocjenu 1,25, a u maju je imala najgoru - tri, dok su Srbija i Crna Gora tada imale ocjenu 1,75.